

Gvangjsih Minzcuz Bau

ganhhau: CN45-0036 B.2016 Nd.9 Ng.28 liggaeuq bingjsaen nienz ndwenbet ngeihbet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3243期

Fungsanh Yen 《Sinhvwnz Vahcuengh》 Lanzmoeg Cingqsik Boqcuengq

凤山县《壮语新闻》栏目正式开播

Mboengqneix, Fungsanh Yen 《Sinhvwnz Vahcuengh》 lanzmoeg youq Fungsanh mizsienq densidaiz boqcuengq. Neix dwg aen yienh neix youq hailaeb 《Sinhvwnz Fungsanh》 《Yingzbingz Gvansim》 《It Singhgiz Yauvwnz》 doeklaeng youh hailaeb aen lanzmoeg miz deihsuengsingq he.

Fungsanh cunggyaeuvunz 22 fanh baux, Bouxcuengh ca mbouj geijlai 14 fanh baux, Bouxcuengh

gyaeuvunz daengz 64%, gak cuz vunzlai youq Fungsanh gvaq saedcej haenx aenvih ciengzgeiz caeuq Bouxcuengh cabyouq, gyoengq vunz daih' iek miz 70% doxhwnj rox gangj Vahcuengh. Haiban 《Sinhvwnz Vahcuengh》 lanzmoeg, yungh gij vah vunzlai sugrox haenx daeuj gangj gojgaeq henz ndang, senhconz cwngecwz dangj, ndaej engq ndei hawj minzcuz cwngecwz dangj caeuq

banggunz cwngecwz fuengcim seizneix ranzranz cungj rox, haeujlaeg simvunz.

Ciuq cam rox, Fungsanh 《Sinhvwnz Vahcuengh》 lanzmoeg moix geiz boqcuengq 15 faencung, boqcuengq seizgan dwg singhgiz sam、singhgiz haj 20:30 diemj, dauqboq seizgan dwg dangqngoenz 22:00 diemj nem ngoenzlaeng 8:30、10:00 caeuq 13:00 diemj.

(Dwng Liengzminj)

SIUSIK DINJ

简讯

● 9 nyied 21 hauh, Nanz-danh Yen Bazhih Yangh Bazhih Cunghyoz iucingj aen yangh neix Mbanjyauzcai aennyenz baux-swnjcienz Liz Mouz、Lanz Gveibauj song baux bauxroq-nyenz daeuj son 56 baux hagseng lienh roq aennyenz, aeu feih-vuzciz vwnzva yizcanj soengq haeuj ndaw hagdangz bae, hawj minzcuz vwnzva ndaej engq ndei youq ndaw hagdangz swnjcienz caeuq bauhoh.

(Moz Gijcauh)

● Seizneix, Lungzswng Gak Cuz Swciyen makbakhom baenz lai lo, vunzlai dangdieg gaemdawz seiz mbaetsou gai mak. Aen yienh neix yungh gij vunqsik "hoz-cozse + gihdi + ranzungzhøj + densangh", gaenxmaenx hwnjguh cwngecwz、ngaenzcienz、gisuz、gaisiu daengj bangfuz bingzdaiz, bangcoh ranzungzhøj vut gungz baenzfouz.

(Veiz Gizyangz)

● 9 nyied 23 hauh, Yungz-suij Myauzcuz Swciyen Fangz-hojgiz、Yungz-suij Cin lienzhab haiguh aenmbanj fatseng saeh-feizruemx gouqcoengh saedhoenx yienlien. Yivu siuhfangzdui youz 200 lai baux dangjyenz ganbu daj gungh' anh、anhgenh、yihliuz daengj daeuj haenx miz bauhloh haiguh ciengjgouq baux-sieng、coisanq vunzlai、ndaep feiz daengj gouqgip hozdung, dem' ak gij ancienz daezfuengz naengzlig dangjyenz ganbu ginz-cung caeuq gij wngqip cawqceq naengzlig gouqgip bumwnz.

(Lungz Linzci)

Yungzsuij: Vwnzva Dajsou Seizcou Myauzcuz Yinx Hekyouz



融水:苗族秋收 文化引游客

9 nyied 24 hauh, Yungzsuij Myauzcuz Swciyen Anhcuiz Yangh youq Mbanjvuhgiz banh "Anhcuiz gaiq daeuz Byayenz-baujsanh seizcou bauxmangh vwnzva daejniemh gag haici youz" hozdung, haiguh gaeb bya doxdax, daejniemh ring bya、cimz bya、guh aenvenz caeuq guh bauxmangh、guh ceiz、Myauzcuz dwk doengznienz aenvenz biujyienj daengj hoz-dung, yinx ndaej haujlai hekyouz daeuj yawj. Ndaw doz dwg beixnuengx Myauzcuz cingq dwk doengznienz.

(Liu Swjyenh/廖子渊)

Gvangjsih Swhfan Yozyen Gawjhengz 2016 Gaep Ban Cuengh Gun Song Vah Saw Haiban Denjljij

广西师范学院举行2016级壮汉双语班开班典礼

9 nyied 23 hauh gvaqrngz 4 diemj, Gvangjsih Swhfan Yozyen Codaengj Gyauyuz Yozyen gawjhengz 2016 gaep Ban Cuengh Gun Song Vah Saw Haiban Denjljij. Gvangjsih Swhfan Yozyen fudinghgiz diuyenzyenz Cangz Ginhswng、Swcigih Gyauyuzdingh Minzcuz Gyauyuzcu cucangj Veiz Lanzmingz、Gvangjsih Minzcuz Gyauyuz Fazcanj Cunghsinh culij yenzgiuyenz Cinz Gizvwnz, lij miz Codaengj Gyauyuz Yozyen yencangj Couh Sinzdungh、suhgi Bungz Yinghbyauh、fuyencangj Fu Gwzcu、boux gaemguenj ban Cuengh Gun song vah saw fu'gyausou Liengz Cunhlenz daengj bauxdaez, 2016 gaep 168 baux hagseng moq daengj camgya haiban denjljij.

Youq gwnz haiban denjljij, Cangz Ginhswng daiqbiuj hagdangz docih gyauyuzdingh caeuq Gvangjsih Minzcuz Gyauyuz Fazcanj Cunghsinh ciengzgeiz daeuj bangcoh caeuq

sonyinx hong hagdangz, hix caemh angqcoux hagseng moq. De maq-muengh hagseng moq guh ndei geij diemj: 1. Simleix cijbyauh yaek cingqciengz caemhcai ciengzciengz aeu rox docih vunz, aenvih yinzgwz bauxvunz dwg gyoebhab daejyienh ok gyoebhab suciz. 2. Aeu laebhwnj seiqvunz gyacizgvanh dengcingq, rap hwnj gij sawjmingh caeuq cwzyin guekgya gyauhawj gyoengq doengzhag neix, guh baenz baux ciepban baenghndaej caeuq baux hwnjguh habgek yiengh seveicujyi miz Cungguek daegsaek. 3. Aeu hag ndei conhyez cihsiz caeuq ginwngz, yawhbiehndaej daengzcog ndaej engq ndei yungz haeuj sevei bae. 4. Aeu miz aen ndangdaj cangqrengz, cijmiz bauxvunz aen ndang cangqcwz le, cijndaej engq ndei fazcanj.

Veiz Lanzmingz angqhoh gak baux hagseng moq swnhleih gauj hwnj daihhag, lij cimdoi Cuengh Gun

song vah saw conhyez guh le gangjavah youqgaenj. De naeuz: Seizneix giep-noix lauxsae Cuengh Gun Song vah saw, maqmuengh daihgaya aeu miz muzbyauh mingzbeq, dawzndei fueng-yiengq, mboujdan hag ndei hagnieb, lij aeu gauj ndaej bonj cwng guh lauxsae. De maqmuengh gak baux hagseng moq ndaej swnjcienz maenh-ndei vwnzva Bouxcuengh, fazcanj Gvangjsih minzcuz gyauyuz, miz aen sim rox docih bauxwnq, aeu saedcae q hengzdoengh、binjhingz ndei caeuq cingzcik ndei daeuj bauqdap sevei caeuq lauxsae.

2015 gaep ban Cuengh Gun song vah saw hagseng Dwng Yingzciuh, 2016 gaep hagseng moq Vangz Gen gonqlaeng daiqbiuj gyoengq doengzhag gangjavah, doxyau daihhag gamjsiengj caeuq gingniemh.

Ban Cuengh Gun song vah saw haiban denjljij, dwg dangz daih' it son'gyauq hagseng moq haeujhag,

Daengq Beixnuengx

小启

Aenvih cietguekgingq cuengqgyaj, 10 nyied 5 hauh bauqcej mbouj ok lo. Hoh gyoengq beixnuengx ngoenzcienz angqyangz vuenyungz!

hawj gyoengq doengzhag gaeuq moq caeuq lauxsae miz le aen bingzdaiz ndeu doxyau, gijneix doiq gyoengq hagseng moq engq vaiq engq ndei bae roxyiuj caeuq hab'wngq saedcej daihhag, mingzbeq daihhag hagsib muzbyauh, doengzseiz hix vih baez-laeng guh ndei gak hangh hong hagseng moq Cuengh Gun song vah saw dwk roengz giekdaj ndei.

(Cau Yangzmeiz sij Vangz Yingjyiz hoiz)